



Broj: 05.10-04-31603-213/25

Sarajevo, 18.03.2026. godine

Skupština Kantona Sarajevo
n/r Predsjedavajući Skupštine Kantona Sarajevo

Predmet: Odgovor na zastupničku inicijativu Admele Hodžić (42) - dostavlja se
Veza: akt Skupštine Kantona Sarajevo broj: 01-04-31603-42/25 od 14.10.2025. godine

Poštovani,

U prilogu akta Skupštine Kantona Sarajevo broj: 01-04-31603-42/25 od 14.10.2025. godine Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo dostavljeno je zastupničko pitanje zastupnice u Skupštini Kantona Sarajevo, Admele Hodžić.

Cijenjena zastupnica, Admela Hodžić je u pismenoj formi postavila pitanje u skladu sa članom 211. i 214. Poslovnika Skupštine Kantona Sarajevo ("Službene novine Kantona Sarajevo", broj: 41/12 - Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22 - Ispravka i 47/24) koje glasi:

- 1. Da li je formirano interresorno stručno tijelo Vlade Kantona Sarajevo za procjenu mogućnosti dugoročnog i održivog obezbjeđenja isporuke toplotne energije za potrebe daljinskog grijanja korisnika u naselju Vogošća putem BAGS Energotehnika d.d. Vogošća za izradu prijedloga za dalje aktivnosti koji je trebao biti dostavljen Vladi Kantona Sarajevo?*
- 2. Ko su članovi interresornog stručnog tijela Vlade Kantona Sarajevo za procjenu mogućnosti dugoročnog i održivog obezbjeđenja isporuke toplotne energije za potrebe daljinskog grijanja korisnika u naselju Vogošća putem BAGS Energotehnika d.d. Vogošća?*
- 3. Da li je interresorno stručno tijelo Vlade Kantona Sarajevo za procjenu mogućnosti dugoročnog i održivog obezbjeđenja isporuke toplotne energije izradilo prijedloge za dalje aktivnosti i da li je dostavilo Vladi Kantona Sarajevo?*
- 4. Da li se zastupnicima u Skupštini Kantona Srajevo mogu dostaviti prijedlozi za dalje aktivnosti dugoročnog i održivog obezbjeđenja isporuke toplotne energije u Vogošći?*
- 5. Zbog svega gore navedenog i zbog toga što stanovnici Vogošće još uvijek nemaju adekvatno grijanje ni početkom ove grijne sezone, tražim da zastupnicima u Skupštini Kantona Sarajevo dostavite detaljne informacije o poduzetim aktivnostima u prethodnom periodu.*

Odgovor zastupnici

1., 2. i 3. Imenovanje Stručnog tijela za procjenu mogućnosti dugoročnog i održivog obezbjeđenja isporuke toplotne energije za potrebe daljinskog grijanja korisnika u naselju Vogošća putem BAGS Energotehnika d.d. Vogošća nije izvršeno.

4. Zaključkom Vlade Kantona Sarajevo broj: 02-04-36654-52/25 od 26.06.2025. godine, koji se dostavlja u prilogu, prihvaćena je Informacija Ministarstva komunalne privrede, infrastrukture, prostornog uređenja, građenja i zaštite okoliša Kanton Sarajevo o stanju i prijedlog rješenja toplifikacionog sistema daljinskog grijanja Vogošće izgradnjom nove kotlovnice, i dijela distributivne mreže, za potrebe stanovnika, javnih ustanova i privrednih subjekata u Općini Vogošća.

Projekt izgradnje spomenute kotlovnice je u fazi realizacije. KJKP "Toplane-Sarajevo" d.o.o. Sarajevo zaduženo za realizaciju izradilo je idejni projekt i pribavilo urbanističku saglasnost Općine Vogošća. Trenutno se odvijaju aktivnosti ishoda potrebnih saglasnosti i druge aktivnosti u vezi sa izradom investiciono-tehničke dokumentacije i uvrštavanjem projekta u Program javnih investicija Kantona Sarajevo.

5. U sezoni grijanja 2025/2026 godine isporuku toplotne energije za potrebe stanovništva i javnih ustanova u Općini Vogošća obavlja privredno društvo BAGS Energotehnika d.d. Vogošća.

Vlada Kantona Sarajevo, resorno ministarstvo i Direkcija za robne rezerve KS je za sezonu grijanja, koja je u toku, obezbjedila 1060 tona ulja za loženje što je prema prosječnoj potrošnji iz prethodnih godina, prema podacima Uprave BAGS Energotehnika d.d. Vogošća, količina koja odgovara potrebama proizvodnje toplotne energije za zagrijavanje domaćinstava i javnih ustanova u naselju Vogošća do kraja sezone grijanja 2025/2026. godine.

Spomenuta količina goriva finansirana sklopljenim Sporazumima o sufinansiranju između resornog ministarstva i društva BAGS Energotehnika d.d. Vogošća, te zaključkom Vlade Kantona Sarajeva, namijenjena isključivo za potrebe stanovništva i javnih ustanova Vogošće, isporučena je u skladište BAGS Energotehnika u cjelokupnoj količini zaključno sa 27.02.2026. godine.

Prema izvještajima dostavljenim od strane Uprave BAGS Energotehnika d.d. Vogošća isporuka toplotne energije stanovništvu i javnim ustanovama u Općini Vogošća u tekućoj sezoni grijanja obavlja se uz kraće dnevne prekide zbog kvarova od 30.10.2025 do 22.02.2026. godine kada je izvještavanje prekinuto.

Na osnovu informacije Ureda za borbu protiv korupcije Kantona Sarajevo od 25.02.2026. godine u vezi sa navodima o uskraćivanju usluge isporuke toplotne energije stanovnicima Vogošće zatražen je inspekcijski nadzor u privrednom društvu BAGS Energotehnika d.d. Vogošća, te se očekuje dostavljanje izvještaja i poduzimanja daljih aktivnosti iz nadležnosti ovog ministarstva u vezi sa utvrđivanjem eventualnog nenamjenskog utroška energenta.

S poštovanjem



Dostaviti:

1. Naslovu,
2. Stručnoj službi Vlade Kantona Sarajevo - na znanje,
3. Koordinatoru izrade odgovora na zastupnička pitanja / inicijative - na znanje,
4. Evidencija,
5. Arhiva.

Pripremio: Gordan Čučić, stručni savjetnik za komunalnu energetiku. 



Bosnia and Herzegovina
Federation of Bosnia and Herzegovina

CANTON SARAJEVO
ASSEMBLY

Broj: 01-04-31603-42/25
Sarajevo, 14.10.2025. godine

-VLADA KANTONA SARAJEVO

**MINISTARSTVO KOMUNALNE PRIVREDE, INFRASTRUKTURE, PROSTORNOG
UREĐENJA, GRAĐENJA I ZAŠTITE OKOLIŠA KANTONA SARAJEVO**

PREDMET: Zastupničko pitanje, dostavlja se -

Zastupnica **Admela Hodžić** je dana 14.10.2025. godine, a u skladu sa čl. 211. i 214. Poslovnika Skupštine Kantona Sarajevo, postavila **zastupničko pitanje** koje Vam u prilogu dostavljamo.

Zastupnica je pitanje dostavila u pisanoj formi, te Vam isto dostavljamo u prilogu s molbom da u skladu sa odredbama Poslovnika Skupštine Kantona Sarajevo („Službene novine Kantona Sarajevo“, broj: 41/12-Dруги нови преčišćени текст, 15/13, 47/13, 47/15, 48/16, 9/20, 14/20, 16/22, 17/22-Ispravka i 47/24), odgovor, u pisanom obliku, uputite predsjedavajućem Skupštine Kantona Sarajevo kako bi isti dostavili zastupnicima u Skupštini.

Prilog: Zastupničko pitanje

Pripremila: Dženita Džebić

Kontrolisala: Amela Smilagić-Čamdžić

PREDSJEDAVAJUĆI SKUPŠTINE
KANTONA SARAJEVO

Elvedin Okerić

CO:

- sekretar SKS
- sekretar Vlade



Skupština Kantona Sarajevo

Admela Hodžić, zastupnica u Skupštini Kantona Sarajevo

Sarajevo, 15.10.2025. godine

Bosna i Hercegovina

Federacija Bosne i Hercegovine

Kanton Sarajevo

Skupština Kantona Sarajevo

N/r predsjedavajućeg

Vlada Kantona Sarajevo

**Ministarstvu komunalne privrede, infrastrukture, prostornog uređenja, građenja i zaštite
okoliša Kantona Sarajevo**

ZASTUPNIČKO PITANJE

Na osnovu člana 211. Poslovnika Skupštine Kantona Sarajevo („Službene novine Kantona Sarajevo”, broj 41/12 - Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22-Ispravka i 47/24) upućujem zastupničko pitanje **Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo** i tražim da mi se dostave odgovori u najkraćem mogućem roku na sljedeća pitanja:

1. **Da li je formirano interresorno stručno tijelo Vlade Kantona Sarajevo za procjenu mogućnosti dugoročnog i održivog obezbjeđenja isporuke toplotne energije za potrebe daljinskog grijanja korisnika u naselju Vogošća putem BAGS Energotehnika d.d. Vogošća za izradu prijedloga za dalje aktivnosti koji je trebao biti dostavljen Vladi Kantona Sarajevo?**
2. **Ko su članovi interresornog stručnog tijela Vlade Kantona Sarajevo za procjenu mogućnosti dugoročnog i održivog obezbjeđenja isporuke toplotne energije za potrebe daljinskog grijanja korisnika u naselju Vogošća putem BAGS Energotehnika d.d. Vogošća?**
3. **Da li je interresorno stručno tijelo Vlade Kantona Sarajevo za procjenu mogućnosti dugoročnog i održivog obezbjeđenja isporuke toplotne energije izradilo prijedloge za dalje aktivnosti i da li je dostavilo Vladi Kantona Sarajevo?**

4. Da li se zastupnicima u Skupštini Kantona Sarajevo mogu dostaviti **prijedlozi za dalje aktivnosti dugoročnog i održivog obezbjeđenja isporuke toplotne energije u Vogošći?**
- 5.

Obrazloženje

Na osnovu Vašeg akta: Odgovor na zastupničku inicijativu broj: 05.10-04-53531-78/24 Sarajevo, 16.01.2025. godine Skupština Kantona Sarajevo: Admela Hodžić (32) - dostavlja se Veza: akt Stručne službe Vlade Kantona Sarajevo broj: 16-04-53531-32/24 od 13.01.2024. godine

Poštovani,

“Uvažavajući interes stanovnika Općine Vogošća, i Vlade Kantona Sarajevo kao vlasnika 67% kapitala dioničkog društva BAGS-Energotehnika d.d. Vogošća Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo je iniciralo formiranje interresornog stručnog tijela Vlade Kantona Sarajevo.

Zadatak stručnog tijela je procjena mogućnosti dugoročnog i održivog obezbjeđenja isporuke toplotne energije za potrebe daljinskog grijanja korisnika u naselju Vogošća putem BAGS Energotehnika d.d. Vogošća i izrada prijedloga za dalje aktivnosti koji će biti dostavljen Kantona Sarajevo.”

Aktom Stručne službe Vlade Kantona Sarajevo broj: 16-04-53531-32/24 od 13.01.2024. godine dostavljen je Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo na nadležno postupanje akt broj: 01-04-53531-32/24 od 26.12.2024. godine sa zastupničkom inicijativom, koja je na 18. radnoj sjednici Skupštine Kantona Sarajevo, upućena Vladi Kantona Sarajevo:

- da pokrene postupak stečaja i likvidacije firme „BAGS ENERGOTEHNIKA" d.d. Vogašća kompanije koja se bavi proizvodnjom i distribucijom toplotne energije i distribucijom vode,
- da Vlada Kantona Sarajevo istovremeno započne proceduru osnivanjem novog javnog preduzeća koje će biti registrovano isključivo da izvršava usluge komitentima, odnosno ustanovama, institucijama, domaćinstvima i privrednim subjektima Vogašee iz djelokruga osnovnih djelatnosti za koje bude registrovano.

Uz inicijativu sam dostavila i detaljno obrazloženje.

BAGS ENERGOTEHNIKA“ d.d. Vogošća je osnovana 1974. godine s ciljem tehnološke podrške kompanijama u industrijskom kompleksu UNIS Vogošća. Postojeće preduzeće „BAGS ENERGOTEHNIKA“ d.d. Vogošća, prema stanju koje smo do sada imali, ne služi za osnovne djelatnosti za koje je registrovano i samo narušava ugled i Vladi i Skupštini Kantona Sarajevo, zašto smatram da smo svi odgovorni i Uprava preduzeća i Vlada Kantona Sarajevo i Skupština Kantona Sarajevo. Po strukturi kapitala, „BAGS ENERGOTEHNIKA“ d.d. Vogošća je dioničko društvo sa većinskim učešćem državnog kapitala (67% vlasnik Kanton Sarajevo), dok preostali dio vlasništva pripada Investicijskim fondovima i fizičkim licima. Kompanija u svom portfoliju posluje kroz dvije tehnološke cjeline: • Proizvodnja i distribucija toplotne energije i • Distribucija vode za piće. Toplotnom energijom snabdijevamo potrošače na području Općine Vogošća (ustanove, institucije, domaćinstva, privredne subjekte), kao i kompanije koje posluju u krugu „Stara industrijska zona“ Vogošća. U svom poslovnom portfoliju imaju preko 600 kupaca. Sa izvorišta „Peračko vrelo“, distribuiraju vodu za potrošače na lokalitetu „Stara industrijska zona“, te vrše isporuke vode u sistem KJKP ViK Sarajevo.

MISIJA

Obezbijediti pouzdano i stabilno vršenje komunalne funkcije komitentima na području koje pokriva naš operater, te uz kontinuirano unapređenje procesa proizvodnje i distribucije kao i kroz uvođenje novih tehnologija, doprinijeti unapređenju kvaliteta životne sredine.

VIZIJA

Postati moderna, efikasna i specijalizovana kompanija u oblasti kojom se bavi, koja će kroz primjenu inovativnih rješenja i savremenih tehnologija u proizvodnji i distribuciji energetske energije, biti u mogućnosti svojim korisnicima ponuditi kvalitetnu, modernu i ekološki prihvatljivu uslugu. Preduzeće odavno ne ispunjava ni misiju ni viziju koja stoji na stranici Preduzeća čemu svi svjedočimo već odavno. Samo nekoliko podataka iz posljednjeg dostupnog Izvještaja o radu za 2021.godinu: Ukupni prihodi: 3.399.397 KM Od toga pomoć iz Budžeta Kantona Sarajevo: 1.500.00 KM 3 Ukupni rashodi: 3.316.860 KM Finansijski rezultat: 82.537 KM U izvještaju se doimi kao povećanje prihoda, iako je bez pomoći Kantona očit gubitak prema prikazanim rezultatima. Pomoć ulazi u razliku kao finansijski rezultat, a jasno se navodi da su ista neophodna, obzirom da Društvo nije u mogućnosti servisirati obaveze iz tekućeg

poslovanja, što je i prikazano u sljedećem poglavlju: Pomoć-dotacija iz Budžeta Kantona Iznos 1.500.000 KM u 2021. godini u ukupnim prihodima Društva, ima najveći procenat učešća 44,1%. Odnosili su se na pokrivanje dijela troškova priprema za grijnu sezonu / nabavka energenta – mazut/. U odnosu na plan su na indexu 100. Navedena sredstva u poslovnim knjigama knjiže se kao prihod-subvencija na koja Društvo plaća PDV, a ista su neophodna obzirom da isto nije u mogućnosti servisirati obaveze po ovom osnovu iz tekućeg poslovanja. Izvor sredstava Na dan 31.12.2021. godine, stalna sredstva iznose 6.624.540 KM, Čine ga kapital, dugoročne obaveze, kratkoročne obaveze i pasivna vremenska razgraničenja Vrijednost kapitala Društva na dan 31.12.2021. g iznosi 3.702.628 KM. - Dugoročne obaveze na dan 31.12.2021. god iznose 2.887.395 KM, a predstavljaju obaveze prema PU FBiH po osnovu zateznih kamata na potpisani sporazum o reprogramu. - Kratkoročne obaveze iznose 2.709.247 KM i odnose se na obaveze prevashodno prema dobavljačima / 1.081.569 KM - energent/, dok preostali dio od 1.627.678 KM predstavljaju obaveze za plaće i naknade plaća, poreze i doprinose i druge obaveze. Ukupne obaveze Društva na dan 31.12.2021. godine iznose 5.596.642 KM. Najveći problemi 1. Potpuno zastarjela, amortizirana, predimenzionirana i nerentabilna proizvodna i distributivna postrojenja stara preko 40 godina u koju se do danas nije investicijski ništa ulagalo, zbog čega se stepen iskorištenosti energije kreće oko indexa 50 Predmetna postrojenja su potpuno nepouzdana u pogledu kontinuiteta isporuke toplotne energije obozirom na starost, amortiziranost te nemogućnost obezbjeđenja rezervnih dijelova i opreme za popravke na sistemu. 4 2. Visok nivo akumuliranih obaveza Društva, pozicioniraju ga u kategoriju „dužničkog ropstva“, jer su sa aspekta ročnosti potpuno nepovoljna i sva su dospjela na naplatu. 3. Tužbe radnika protiv Društva, a tiču se neisplaćenih netto plata iz ranijeg perioda poslovanja /2013-2015 / neke presude su već izvršene /, a koje iznose 358.326 KM uvećane za iznos kamata i troškova postupka. 4. Koncesiona naknada koja iznosi skoro 30 miliona KM na ime zahvaćene vode sa izvorišta „Peračko vrelo“. Ni Ugovor o izvođenju radova na rekonstrukciji kotlovnice i instalaciji toplotnih pumpi voda-voda i kotlova na prirodni gas preduzeća BAGS Energotehnika d.d. Vogošća iz 2023.godine u vrijednosti od 3.5 miliona KM nije ispunio ciljeve, a ciljevi projekta su omogućavanje toplotnog komfora korisnika usluga daljinskog grijanja, smanjenje potrošnje i troškova kao i smanjenje emisija stakleničkih plinova. Očekivalo se da će koristi od ovog projekta osjetiti građani Općine Vogošća kroz smanjenje potrošnje energije, a time i troškova grijanja, energetske nezavisnost i čišći zrak, tako da je ovo

bila samo dobra vijest, jer bi se prestankom korištenja mazuta kao ekološki neprihvatljivog goriva očekivalo da će doći do značajnog poboljšanja kvaliteta zraka. Zbog svega što se dešavalo posljednjih mjeseci i nesposobnosti da se Vogošćanima obezbijedi normalna isporuka toplotne energije, smatram da produžavanjem dalje agonije Vlade sa ovim javnim preduzećem sami sebi narušavamo ugled, a građanima uskraćujemo uslugu koju uredno plaćaju. Nameće se pitanje samo po sebi, ko će građanima vratiti novac i namiriti nastale troškove za alternativne energente koje plaćaju višestruko? Penzioneri, djeca, socijalno ugroženi, svi ispaštaju zbog Uprave Preduzeća BAGS ENERGOTEHNIKA“ d.d. Vogošća, Vlade Kantona Sarajevo i Skupštine Kantona Sarajevo.

Zbog svega gore navedenog i zbog toga što stanovnici Vogošće još uvijek nemaju adekvatno grijanje ni početkom ove grijne sezone, tražim da zastupnicima u Skupštini Kantona Sarajevo dostavite detaljne informacije o poduzetim aktivnostima u prethodnom periodu.

Admela Hodžić



Broj: 02-04-36654-52/25
Sarajevo, 26.06.2025. godine

Na osnovu člana 26. i 28. stav (4) Zakona o Vladi Kantona Sarajevo („Službene novine Kantona Sarajevo“, broj: 36/14 – Novi prečišćeni tekst i 37/14 – Ispravka), člana 5. i 6. Zakona o komunalnim djelatnostima („Službene novine Kantona Sarajevo“, broj: 14/16, 43/16, 10/17 – Ispravka, 19/17, 20/18 i 22/19) Vlada Kantona Sarajevo, na **81. sjednici održanoj 26.06.2025. godine**, donijela je

ZAKLJUČAK

1. Prihvata se Informacija Ministarstva komunalne privrede, infrastrukture, prostornog uređenja, građenja i zaštite okoliša Kanton Sarajevo o stanju i prijedlogu rješenja toplifikacionog sistema daljinskog grijanja Vogošće.
2. Prihvata se Analiza toplifikacionog sistema daljinskog grijanja Vogošće sačinjena od strane Kantonalnog javnog komunalnog preduzeća „Toplane - Sarajevo“ d.o.o. Sarajevo.
3. Zadužuje se Zavod za planiranje razvoja Kantona Sarajevo da, u roku od 15 dana od dana prijema ovog zaključka, dostavi mišljenje na predloženu trasu sa lokacijom objekta, plinovoda i vrelovoda sadržane u Analizi toplifikacionog sistema daljinskog grijanja Vogošće sačinjene od Kantonalnog javnog komunalnog preduzeća „Toplane - Sarajevo“ d.o.o. Sarajevo.
4. Zadužuje se Kantonalno javno komunalno preduzeće „Toplane - Sarajevo“ d.o.o. Sarajevo da izradi detaljnu analizu angažovane snage objekta koji se snabdijevaju sa toplifikacionog sistema „Bags Energotehnika“ d.d. Vogošća i izvrši snimanje pozicije planiranog objekta i kotlovnice u cilju otklanjanja mogućih problema uzrokovanih statičkim pritiskom u roku od 15 dana od dana prijema ovoga zaključka.
5. Zadužuje se Zavod za izgradnju Kantona Sarajevo da na konačno utvrđenoj trasi riješi imovinsko-pravne odnose i pokrene proceduru za dobijanje neophodnih odobrenja na izgradnji objekata toplifikacionog sistema daljinskog grijanja Vogošće.
6. Zadužuju se Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo i Ministarstvo finansija Kantona Sarajevo da obezbijede neophodna finansijska sredstva za izradu projektne dokumentacije.
7. Zadužuje se Kantonalno javno komunalno preduzeće „Toplane - Sarajevo“ d.o.o. Sarajevo da Projekat toplifikacionog sistema daljinskog grijanja Vogošće kandiduje u Program javnih investicija Kantona Sarajevo.
8. Zadužuje se Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo da nastavi aktivnosti sa Općinom Vogošća u cilju obezbjeđenja planskih dokumenata i dijela finansijskih sredstava potrebnih za realizaciju Projekta.
9. Zadužuju se ministarstva čiji su krajnji korisnici grijanja putem objekata društvenog sadržaja sa područja Općine Vogošća da prilikom planiranja Budžeta Kantona Sarajevo za 2026. godinu obezbijede neophodna finansijska sredstva za uspostavu daljinskog grijanja na području Općine Vogošća.

10. Ovaj zaključak stupa na snagu danom donošenja.



Dostaviti:

1. Predsjedavajući Skupštine Kantona Sarajevo,
2. Zamjenici predsjedavajućeg Skupštine Kantona Sarajevo (3x).
3. Premijer Kantona Sarajevo,
4. Ministarstvo komunalne privrede, infrastrukture, prostornog uređenja, građenja i zaštite okoliša Kanton Sarajevo,
5. Ministarstvo unutrašnjih poslova Kantona Sarajevo,
6. Ministarstvo za odgoj i obrazovanja Kantona Sarajevo,
7. Ministarstvo zdravstva Kantona Sarajevo,
8. Kantonalno javno komunalno preduzeće „Toplane - Sarajevo“ d.o.o. Sarajevo (putem Ministarstva komunalne privrede, infrastrukture, prostornog uređenja, građenja i zaštite okoliša Kanton Sarajevo),
9. Zavod za planiranje razvoja Kantona Sarajevo,
10. Zavod za izgradnju Kantona Sarajevo.
11. Općina Vogošća (putem Ministarstva komunalne privrede, infrastrukture, prostornog uređenja, građenja i zaštite okoliša Kanton Sarajevo).
12. Evidencija,
13. Arhiva.

